


瘟疫明辨卷之二

表症

發熱

時疫發熱與風寒雜症同。其發熱時。氣色神脉舌胎。則不同。辨得為時疫發熱。又當知有淺深表裏之異。不辨無以施治。發熱表症居多。亦有裏症發熱。半表半裏發熱。餘邪不盡。復出於表發熱。邪退正虛發熱。而表症發熱。脉不浮不沉而數。寸大於關尺。熱在皮膚。捫之烙手。久按反輕。必兼頭痛項強腰痛脛酸。或頭面身體皮膚。



有紅腫瘍痛。諸症不必全現。有一於此。便是表症發熱。九味羌活湯。人參敗毒散。六神通解散。選用。冬月嚴寒。及惡寒甚者。大青龍湯。葳蕤湯。越婢湯。陽旦湯。可借用。全不惡寒者。白虎湯。黃芩湯。可加減用。裏症發熱。脉或滑。或沉數。或洪滑。關尺盛於寸。熱必在肌肉筋骨。初捫熱輕。久按熱甚。必兼煩渴。胸腹滿。大便或不通。或自利。或便血及膿。小便黃赤。或譫妄狂昏。諸症雖不必全現。必兼二三症。方是裏症發熱。梔子豉湯。黃連解毒湯。小陷胸湯。三承氣湯。導赤瀉心湯。猪苓湯。天水散。選用。半

表半裏發熱。脉多弦。胸脇滿。或熱或止。或口苦咽乾。目
眩耳聾。或目赤。或喜嘔心煩。或兼見表裏症。達原飲此。
葛解肌湯。小柴胡湯選用。時疫初熱時。用藥最要清楚。
此處頭緒不差。後傳變多危。救援必易。不然難於收拾。
矣。凡見發熱。即當辨其氣色神脉舌胎。為風寒為時疫。
係時疫。又當辨在表在裏。在半表半裏。然時疫見症。純
表純裏者少。表裏夾襖者多。表裏夾襖。吳氏達原飲為
主。表症多加羌活。裡症多加大黃。半表半裏症多加柴
胡。葛根。淡豉。或表裏症均見。則諸藥全用。即三消飲。取

效最多。誠時疫主劑。至已愈數日。而復發熱者。乃為原
伏有不盡之邪。復出於表。當察其證之裏裏多寡。以前
法治之。大抵愈後復發。則裡熱多而表熱少。雖有當用
寒藥之症。不過葛根柴胡淡豉而已。無更用羌活之理。
若愈後另受風寒。發熱無汗。舌上無胎者。不在此例。時
疫愈後。復熱無汗。重用葛根五錢最妙。以其性涼而解
肌發汗。既不得無汗之表。又不得煩熱之裏。更有平素
虛損。或老人。或大病後復染時疾。屢經汗下。清解其熱
轉甚。或全無表裏實證。或六脈豁々然空。或較初起洪

滑更甚。或用表藥而身痛更甚。或屢用清熱藥而煩躁
沉昏更甚。或屢用下藥而舌燥更甚。此皆邪退正虛之
發熱也。王太僕所謂大虛有盛候。反瀉含冤也。此時須
略去證狀。而消息陰陽虛實。陰虛則熱渴枯竭之症多。
貴在腎。宜六味地黃湯。兼氣虛。合生脈散。須大作湯液。
晝夜頻進。效始捷。陽虛則嘔利悸眩之症多。貴在脾。宜
六君子湯。兼陰虛。歸脾湯。參胡三白散。清燥湯。選用。若
遇此等症。仍用汗下涼解宣伐。斷無生理矣。又發熱之
為表為裏。為半表半裏。為復為虛。症狀明顯有據者。自

易施治。若脈症夾襍模糊。難於分辨者。須以舌胎為據。初起舌胎薄白。或無胎而潤。屬在表。白胎而厚。或兼微黃。或中黃邊白。中黃尖白。或二三色。屬在半表半裏。黃胎。醬色胎。黑胎。屬裏。舌胎燥。則不論何色。皆屬裏症。屢汗下後。舌胎潤而發熱者。屬陽虛。無胎而燥者。屬陰發熱之表裏虛實。依此辨之。思過半矣。惟虛証發熱。似實症。即舌胎亦難憑據。又當從病之來路探討。若一經汗下宣伐。而熱愈甚者。從虛治無疑。或雖經汗下。熱漸減。藥有效。則仍屬餘邪未盡。不可遽補。致邪熱

塵。天人年壽。似此虛實關頭。不可不細心體認也。
以上辨表裏虛實諸法。雖指發熱時言。然類而推之。
凡症皆可依此為辨。惟在學者之善悟耳。

惡寒

時疫惡寒。與風寒暑濕諸症不同。諸症惡寒無時而勢
不甚。時疫惡寒有時而勢甚。惡寒之後。必見發熱。時
自熱而不覺寒。時自寒而不覺熱。非若諸症惡寒發
熱之相兼也。時疫惡寒傳裏之後少。在表之時多。而辨
氣色神脈舌胎。與發熱同。但有淺深虛實之異。邪淺而



在表者惡寒之時。少於發熱。治法方藥。同於發熱。而以解表為主。邪在半表半裏者。寒熱往來如瘧狀。治法方藥亦同發熱。邪深入裏。失於攻下。而熱深厥深。反欲擁被向火。惡寒而不發熱。或熱亦微。甚則四肢反厥。此雖惡寒。實非寒也。乃陽氣為邪所鬱而不通。以通鬱為主。達原飲。大柴胡湯。三承氣湯。選用。使裏氣通而鬱陽發。反大熱而煩渴也。此證在惡寒時。最難辨其為熱。須於九竅察之。如目大小皆赤。鼻孔乾。唇紅。舌胎黃黑燥。耳鳴或聾。小便黃赤濇痛。大便燥結。或稀黃極臭。或鮮血。

或心下至少腹。有痛不可按處。此皆熱深陽鬱之象。夫
批。周身皆見冷症。一二處獨見熱症。反當以熱症為主。
以此亦然。乃辨寒熱真假之機要也。余所見時疫。不下
數千。裏症惡寒者。百中一二。即四肢厥逆。爪甲青紫。論
其所苦。亦不惡寒。此可得其槩矣。至若本係時疫熱症。
因其人素虛損衰老。及大病之後。用攻伐寒涼太過。
至汗出不止。嘔利俱作。四肢微厥。六脈細濡而惡寒。為
陽虛。乃攻伐太過所致。當以參耆苓朮為主。寸口脈微
者。佐以升柴。尺脈微者。佐以桂附。須知雖屬陽虛。却從

熱症來。而陰必虧。桂附亦不可過用。當佐以護陰藥為妙。如白芍、麥冬、五味之類。此症溫補略緩。及溫補不到。必死。或過用溫補。陽雖回而陰竭。亦死。此處不可不斟酌至當。又有宣伐太過。而成虛症之惡寒。寒涼太早。而成實症之惡寒。以疫邪方伏於募原。未經傳變之時。胸膈必多痰滯。有見其煩躁。而遽用知膏、苓連者。有因其作渴。而遽用生地、麥冬者。有病者自認火症。而恣啖冷水。西瓜、梨、薺太早者。皆能抑鬱陽氣。壅閉邪熱。過於中下二焦。冷物停痰滯於上焦。每見惡寒症。遇此惟

以宣導痰滯為主。痰滯通則惡寒自止。不可過溫。致焦瘵熱。畜血斑黃呃逆而死。不可清涼。致胸腹痞滿而危。宜用草果。厚朴。檳榔。木香。半夏。蒼朮。萊菔。苓。澤。導痰開滯逐水。痰滯水去。則惡寒止而熱症見。隨其傳變。以施涼解攻利之劑。乃有效也。此法特救藥誤。非治正病耳。總之風寒以惡寒為重。時疫以惡寒為輕。多有初起惡寒。一二日不治。邪氣傳變。而惡寒自己者。與其誤治。毋寧俟之。若誤認惡寒為真寒。用辛溫之藥發散。未有不增其病勢者也。

寒熱往來

寒熱往來。與發熱惡寒異。發熱惡寒。一時並至。寒熱往來。寒已方熱。已方寒。亦與瘧不同。瘧發有時。寒熱長短有定。此則寒熱無時。長短無定。雖不同於瘧。而邪俱在少陽半表半裏之間。在傳變之初。是由輕入重。始則寒熱往來。繼則熱多寒少。再則但熱不寒。至晝夜壯熱。譫妄煩渴畢現。在傳變之後。是由重出輕。晝夜壯熱。漸減而為發熱。有時而止。又減而為寒熱往來。又減而為戰汗。至脈靜身涼而愈。夫疫邪自裏出表者輕。自表入

裏氣重。初起寒熱往來。是自表入裏。犯及少陽。裏氣與邪相爭拒。繼則邪深入裏。表裏併而為熱。晝夜壯熱。而勢日重。既傳變之後。而寒熱往來。是邪氣向裏。正氣未復。自裏出表。經過少陽。前之晝夜壯熱。邪氣重絀者。至此正氣漸和。而寒熱有時矣。前之邪陽獨盛。亢極無陰。作純熱者。至此則陰氣來復。而寒熱相爭矣。前之邪併表裏。而熱渴日加者。至此則裏氣逐出表邪。而作戰汗矣。治法於未傳變之先。欲由表入裏時。但透達其邪。使易傳化為主。達原飲是也。於傳變之後。欲自裏出表時。



以和解為主。小柴胡湯是也。於屢經汗下之餘。脉或虛微濡弱結代。心或悸動。神或委倦。形或羸弱過甚。當養陰益氣。助正却邪為主。參胡三白湯。炙甘草湯。清燥養榮湯。補中益氣湯是也。

頭痛

時疫頭痛。與風寒不同。風寒是寒束於上部。中下無邪上逆。頭雖甚痛。而不昏悶。時疫是熱蒸於上部。中焦邪犯上焦。頭不甚痛。而昏悶。所謂卓然而痛者是也。驗得氣色神脉舌胎。為時疫頭痛。而又有表裏之分。初起頭



痛。腦後顛頂目珠略甚。舌胎白而發熱者。太陽頭痛也。
羌活川芎為主。淡豉酒芩知母生地為輔。額顛脹痛。目
痛。鼻孔乾。舌胎白而微黃。煩熱而渴者。陽明頭痛也。葛
根為主。淡豉石膏為輔。兩額角痛。肩稜骨痛。寒熱往來。
口苦咽乾。舌胎中黃邊白。或中散黃。尖上白。少陽頭痛
也。柴胡荆芥川芎為主。酒芩石膏為輔。頭痛而三陽症
悉具者。吳氏三消飲為主。時疫頭痛。常見一經症者少。
襍見二三經症者多。此方尤為多效。頭痛甚者。加淡豉
防。清其頭目。頭痛舌胎黃。心下滿。蒸、發熱者。陽明

裡症也。三黃石膏湯。小承氣湯。大柴胡湯。防風通聖散。
選用。舌胎黃。或半截。或傍邊。有一塊白。胸滿而嘔。頭痛。
兼眩者。痰厥頭痛也。前胡為主。半夏。萊菔子。枳橘。
麥芽為輔。兼煩熱者。加大黃。枳實。汗下清解後。頭痛。
悸。四物湯。去川芎。加丹皮。知母。黃柏。或歸脾湯。逍遙散。
并加生地。棗仁。凡頭痛見症混雜。難分表裏者。總以舌
胎辨之。

頭眩

時疫頭眩有三。其一風熱頭眩。乃時疫本病。寸口脉多

浮而

熱。荊防芎薄天麻為主。黃芩為輔。煩渴加石膏。

其一

水頭眩。乃時疫兼症。脉沉而弦滑。兼嘔。胸膈滿。

悸動。前胡為主。半夏茯苓枳橘膽星萊菔蘇子為輔。然

必視時疫大勢。屬表屬裏。於應用本方中。加此數味可

也。其一虛症頭眩。乃時疫變症。多見於汗下清解後。或

素有怯證者。如上虛。寸口脉不及關尺。多汗。少氣。不足

以息。心悸。參耆為主。中虛。關脉不及寸尺。多從嘔利太

過而來。不思食。苓朮為主。下虛。尺脉不及寸關。腰膝痠

厥。二便清滑。六味地黃為主。三虛皆可加天麻。或虛證